



**Arnoldi Corvini â Belderen, Batavi, Jcti quondam
Consummatissimi, Consilarii Electoralis & Professoris
Moguntini Publici, &c. Tractatus Geminus De Personis
Atque Beneficiis Ecclesiasticis Sive ...**

opus posthumum, diu desideratum, nunc demum excusum, & indice
locupletissimo instructum

De personis ecclesiasticis

Corvinus van Beldern, Arnold

Francofurti ad Moenum, 1708

VD18 10184902

De Ætate & qualitate ordinandorum & præficiendorum. Tit 16

[urn:nbn:de:hbz:466:1-62002](https://nbn-resolving.org/urn:nbn:de:hbz:466:1-62002)

Hinc *secund. d. Concil. Trident. d. sess. & cap. 13.* qui promotus ad Subdiaconatum, non potest ascendere ad altiore, nisi per annum in eo fuerit versatus, aut aliud videatur Episcopo. Similiter, *secund. idem Concil. d. cap. 14.* promotus ad Diaconatum vetatur ascendere ad sacerdotium, nisi per annum integrum in Diaconatu ministraverit; nisi Ecclesie utilitas aut necessitas aliud exigat:

Potest enim non tantum Episcopus, *Praefec. d. praxi Episc. part. 16. 1. cap. 1. num. 49. §. requiritur item. post Quarant. Vallens. d. loco. §. 5. num. 7.* sed & Sede Vacante, Capitulum, seu ejus Vicarius, super hujusmodi interstitiis dispensare, in casibus, in quibus illud licentiam ordinandi dare potest. *Praefec. d. loco.*

TITULUS XVI.

De qualitate Ordinandorum & Praeficiendorum.

SUMMARIA.

- 1. In Ordinandis & Praeficiendis desiderantur qualitates.
- 2. Quid hic Qualitas.
- 3. Ordinandus debet esse baptizatus.
- 4. Mas, non femina, & quare.
- 5. An hoc juris divini.
- 6. De Johanna Papissa.
- 7. Si fuisset, non fuisset verus Pontifex.
- 8. An circa feminam dispensare possit Pontifex.
- 9. An ordinari Hermaphroditus.
- 10. Ob quas causas quidam ordinari prohibentur.
- 11. Primobatatem, circa quam variatum.
- 12. Aqua

Bbb 3

Orvinus
Personis
nell' Ecclesia

IV

32

12. *Aqua die computatur.* 18. *Quid hic dispositum
Concil. Tridentinum.*
13. *Quid si aetas non ser-
vata.* 19. *Illiteratum Ordinan-
tis qua pena.*
14. *An in aetate Episcopus
potest dispensare.* 20. *Ob vitium animi
ordinari prohibentur
multi: & qui.*
15. *Ordinandus debet esse
Litteratus.* 21. *An non poenitentia ab-
quos reddat capaces &
quos.*
16. *Qui Illiterati.*
17. *Quale circa eos Ordi-
nantis arbitrium.*

1 **S**ed non omnes personae ad Sacros Ordines promoveri possunt, desiderantur *qualitates* multae: pleraque dicitur ex causis ordinari prohibentur.

2 **E**st *qualitas* hic nihil aliud, quam accidens aliquod personam ordinari, vel ordinandi, afficiens, sive bene, ut *moribus probitas, prudentia, scientia, &c.* sive male, ut *pravitas morum, illiteratura, excommunicatio, suspensio, infamia, &c.* ob quod ad Ordines quidam admittuntur, quidam repelluntur.

Tales enim, inquit Pontifex in can. 4. dist. 23. ad ministerium eligendi sunt Clerici, qui digne possint Dominica tractare Sacramenta. Melius enim est Domini Sacerdotium habere ministros paucos, qui Dei opus possint exercere dignè, quàm multos & inutiles, qui grave onus adducant Ordinatori.

Qualitates, quae requiruntur in Ordinandis, & requiruntur in proficiendis.

Ex his quaedam *omnibus Ordinibus sunt communes*, quaedam *singulis propria*. De illis dispiciemus tantum hic; cum de his in singulis ordinibus supra tractaverimus.

3 In primis requiritur, ut ordinandus sit *baptizatus*; neque enim aliàs imprimeretur character: *c. 3. de Presbytero non baptizato.* Cum bap-

baptismus reliquorum Sacramentorum sit janua. c. 2. de cognat. spirit. in 6. Nec non confirmatus. Nam cum hoc, Concilium Tridentinum sess. 23. de reformat. cap. 4. requirat in initiando prima tonsura, multo magis id videretur requirere in ordinando: non tamen necessario; cum commisso teneat ordinatio; Zaf. ad decret. in. de tempor. & qualit. ordin. num. 16. nec incurrat censuram aut mortale peccatum ordinatus. Novarr. in man. cap. 22. num. 9. Zypaus jur. nov. Pontif. lib. 1. tit. de ordinand.

Debet esse mas, non femina; cur, si de facto ordo conferatur 4
aliquis, characterem, sexu impediendo, non reciperet. §. 1. circa princ. cas. 15. qu. 3. c. uxoratos. in fin. de convers. conjug. Gloss. fin. in can. Diaconissam. 27. qu. 1. S. Thom. in 4. dist. 25. qu. 2. art. 1. & 2. Campan. de revers. jur. Canon. rubr. II. cap. 2. Suarez. de censur. disp. 51. sect. 2. in princ. Roderic. à Cumba. in comment. ad can. Psalmista. num. 7. dist. 23. Marchin. de Sacrament. Ordin. tract. 1. part. 4. cap. 1. 1. Quia Ordinum susceptio conjungit Clericum Ecclesie, tanquam sponsum sponsae; can. seriatim. 14. ibi, ut fiat de carnali. dist. 32. c. 2. & fin. de penit. & remiss. Abb. in c. inter corporalia. 2. num. 31. de translat. Episc. & ibi Buryus. in 2. notab. col. 3. quod mysticum matrimonium non potest cadere in feminam; 2. Quia Clerici nemini debent subijci, can. 1. dist. 34. mulieres autem sint subdite viris, Genes. 3. D. Paulus 1. ad Timoth. 2. can. manifestum. II. cum seq. & ibi Archid. num. 3. cum aliis plurib. 33. qu. 5. ordinatio autem ad dominationem tendat. 3. Quia ordinationis finis est docere; quod mulieribus interdictum: can. mulier. 33. qu. fin. c. mulier. dist. 23.

Hinc feminas ipso jure divino incapaces esse eorum, quae sunt Ordinis, docent S. Thomas. in addit. ad 3. part. qu. 38. art. 1. Victor relect. 2. de potest. Eccles. qu. 2. num. 3. & alii relati per Henrique in sum. lib. 1. cap. 21. §. 2. lit. V. & lib. 6. cap. 2. §. 3. & lib. 10. cap. 16. §. 1. lit. A. Proinde Clavium potestatis minimè competit; c. nova. de penit. & remiss. ubi dicit Innocent. III. Licet Beatissima Virgo Maria dignior fuerit Apostolis universis, non tamen illi, sed istis, Dominus Claves Regni Caelorum commisit. Spectare autem ad claves ordinationem, nemo est qui ignorare debeat, cum ei potestas ligandi & solvendi sit conjuncta. Hosti-

Ordinatus
Personis
nec Ecclesiae

IV

32

Hostiens. ad d. tit. tempor. ordinat. Ec. num. 31. Zaf. tit. num. 18.

Quod in Canonibus, *can. pen. & ult. dist. 31. & alibi*, & apud antiquos, mentio habeatur Diaconissarum, Presbyterarum, & Sacrarum feminarum, intelligi debet, ut supra titulo de Diaconissis ostendimus.

6 Quod de Joanna, vulgò Papiſſa dicta, legitur & circumfertur, mera est fabula, hæreticorum impostura; quæ convincitur ex eo, quod super nomine, origine, tempore vitæ, studiorum, Sedis, & diversitas & repugnantia inter eos qui hanc rem tradunt. Imò quæ veteres, avorum testimonio, nugas has probare conantur, ut iam Marianus Scotus, Sigebertus Gemblacensis, ac Martinus Polonus, tale figmentum nusquam scripserunt, cum nè quidem somnarent; cæsi hostium fraude deprehendatur in historia eorum innotuit. *Leon. Allatii confut. Fabule, de Joan. Papiſſ.* Accedit quod Historici istius temporis, quo illam sedisse fingunt Sedis Romanæ inimici Græci, Latini amici nullam istius mulierculæ faciunt mentionem. Confutavere illud figmentum Catholici plurimi; ut Onuphrius Pavinus, *in vitis Pontificum Platina.* Jodoc. Coccius, *in thesaur. Cathol. tom. 1. lib. 7. art. 16.* Genebrard. *in Chronol. An. 858.* Card. Barthelemy, *in annal. tom. 10. an. 853.* Card. Bellarm. *controv. tom. 1. contror. 3. lib. 9. cap. 24.* Serarius *in Moguntiacis.* Flor. Ramund. *in spec. trait. Papiſſ.* Massonius *de vitis Episcoporum Urbis.* licet Dignitati Pontificiæ parum æquus; & ex A catholicis nupere Blondellus; Professor Amstelodamensis.

7 Detur tamen (quod nunquam fuit) in Pontificia Sede sedisse feminam, nunquid illa dicenda Pontifex? Nemo tam impudens erit & vecors, qui omnibus legibus resistens, adfirmet, quorumvis infirmis accedentibus, potuisse feminam reverà esse Pontificem Romanum, imò minoris Ordinis Clericatu initiari. *Zaf. d. loc. num. 20 in fin.*

8 Quarunt non nulli, utrum Pontificia dispensatione femina habili fieri possit ad Ordines. Affirmant aliqui, frivolo nixi argumento. Dicunt, Nullus reperitur textus aperte declarans, feminas Ordinari

esse incapaces; Ergò Pontifici permissum ad eos admittere eas; idque ex generali solvendi ligandique potestate. Quasi verò ad eò quid fieri possit, quia contrarium non sit expressum in Canonibus. An non multa per traditiones transmissa, quibus plurimum nititur Ecclesia? Et quam sit indecens ordinari foeminas, supernis ex dictis Apostoli ostendimus. Quò facit quod Papa Leo X. inter alios Lutheri articulos damnaverit & istum, qui foeminis absolvendi potestatem adstruebat: & quod D. Augustinus tract. de heresib. cap. 27. & D. Epiphanius heres. 24. foeminarum ordinationes adscribant heresi. Ut rectè D. Thomas in 4. sent. dist. 25. art. 1. ubi Richard. de Media Villa art. 4. qu. 1. & communiter Doctores Theologi & Canonistæ tradunt, mulieres characteris esse incapaces; ut super ea re Pontificia dispensatio valeat nihil: quæ Sacramentorum non mutat naturam, nec inducit quòd est inconveniens. *Zaf. d. loc. num. 21.*

Hermaphroditus, id est, qui habet sexum utrumque, ordinari nequaquam potest, nisi in eo prævaleat sexus virilis, non si sit paritas. *Gloss. verb. testimonium. in can. testes. §. hermaphroditus. ubi Card. Praepos. & Turrecrem. 4. q. 3. Sylvest. verb. Hermaphroditus. Bellet. disquis. Clerical. part. 1. tit. de discipl. Cleric. §. 8. à princ. Ugolin. de irregul. cap. 4. §. 1. num. 3. Campan. in divers. Jur. Canon. rubr. II. num. 3.*

Non tamen omnes masculini sexus indifferenter ad Ordines promoveri possunt; sed tantum illi qui non sunt irregulares, id est, promovendi non prohibentur. *Specul. in tit. de irregul.*

Prohibentur quidam ob *atatem, litterarum ignorantiam, vitium 10 animi, corporis, originis; vinculum reale, personale, Civile; carentiam virili.*

Ob *atatem*; Quia (ut supra, sigillatim de unoquoque Ordine tractantes, diximus) certa in ordinandis personis requiritur *etas*. Quæ est, in prima consura accipienda, septennium, *can. de his. junctis. Gloss. verb. infantia. dist. 27. c. fin. de tempor. ordinand. in 6. ut & in tribus minoribus Ordinibus; can. in singulis. dist. 77.* Licet *can. nemo. dist. 78.* in lectore requirat annos octodecim: Est enim accipiendas, non de Ordine, sed legendi officio. Acolytatus tamen annum requirit duodecimum completum. *d. can. in singulis.* Et sic eadem septennis Ccc
atas

Ordinatus
Personis
nes, Ecclesiam

IV

32

etas in omnibus minoribus ordinibus præter Acolytatum sufficit; per Ugin. de irregular. cap. 45. num. 2. Suar. de censur. disp. 31. sect. 1. num. 22. Gutier. canon. lib. 1. cap. 8. & 9. Narbona in tract. de atate ad omnia human. actus requis. an. 7. qu. 9. num. 3. Nec hic quid mutavit Concilium Tridentinum; proinde hujusmodi tempora & attenduntur hodie Sacra Congr. Cardin. apud Piassec. in Praxi Episc. cap. 1. num. 22.

Quoad autem ordines sacros alia definita ætas in singulis ante Concilium Tridentinum, alia per illud.

Antè; ad Subdiaconatum præcis temporibus annorum viginti. can. Subdiaconus. dist. 77. postea octodecim; ad Diaconatum olim viginti quinque; can. placuit. cum seqq. d. dist. postea viginti, Clem. Generale. de atate. & qualitat. ordinand. ad Sacerdotium olim triginta, can. 6. & per tot. dist. 78. can. in veteri. in fin. can. Episcopus. dist. 77. postea, ea necessitate, viginti quinque: can. fin. dist. 78. d. Clem. generale. ut. ad Episcopatum, triginta. cap. cum in cunctis. 7. in princ. elect. c. cum nobis. 19. vers. de legitima. de elect. Gloss. in d. Clem. generale.

Concilium Tridentinum sess. 23. de reformat. cap. 12. assignat Subdiaconatui viginti duos, Diaconatui viginti tres, Presbyteratui viginti quinque, annos, inceptos, Gloss. ad d. Clem. fin. ut & D. Henric. in sum. lib. 10. cap. 10. §. 2. & lib. 13. cap. 38. §. 2. non, ut olim, can. dist. 78. d. c. cum in cunctis. d. can. in singulis. completos. Hieron. Roderic. in compend. quest. regular. resolut. 106. num. 9.

12 Quæ ætas non computatur à die conceptionis, aut baptismi, sed nativitatis. Zyprus d. loc. vers. ætas autem.

13 Ordinatus ante legitimam ætatem, suscipit quidem ordinis characterem; (Nec enim certa ætas est de necessitate Sacramenti, sed de necessitate præcepti: Barbof. Jur. Eccles. univ. lib. 1. cap. 33. num. 94. Piassec. d. prax. Episc. part. 1. cap. 1. num. 22. Vallens. in par. ad decret. lib. 1. tit. 14. §. 4. num. 3.) sed ab ipsius executione, usque ad ætatem legitimam suspenditur, c. vel non est compos. 14. junct. c. dilectus de tempor. ordinand. per sententiam secundum jus commune: Coriarruo. in Clement. si furiosus de homicidio. part. 1. §. 1. num. 4. ipso jure hodie per Extrav. Tit. II. incipit. Cum ex sacrorum. Quæ tamen tantum loquitur de ordinibus

bus sacris. *Sayr. de censur. lib. 6. cap. 12. num. 9. Beller. disquis. Cleric. parte 1. tit. de discipl. Cleric. §. 5. num. 61.*

Unde ordinatio ante aetatem legitimam, cum remaneat ipso jure suspensus, necessarium est, ut priusquam Ordinem exerceat, aut alium suscipiat, à suspensione absolvatur, & quidem non per Episcopum, nec enim potest, sed per Papam; *Rebuff. in praxi benefic. tit. de Cleric. male prom. Gloss. 4. num. 3. Gutier. Canon. lib. 1. cap. 46. num. 4. Barbos. d. lib. & cap. num. 92.* etiamsi attigerit aetatem, per Sacros Canones & Concil. Trident. requisitam, *Miranda in man. Pralat. tom. I. qu. 39. art. 10. Hieron. Roderic. d. resolut. 106. num. 14.*

Potest tamen Episcopus, ut quis dignitatem vel personatum, sine cura animarum habeat, circa aetatem dispensare. *c. un. de at. & qualit. ordin. in 6. c. cum nobis. 19. §. fin. c. innovat. 24. de electione.*

Episcopus autem scienter aliquem ante aetatem ordinans, praesertim si puero primam tonsuram conferat ante septennium, ipso jure à collatione ordinis, quem dedit illegitimè, suspenditur, ut puniatur in eo in quo peccaverit. *c. fin. cum Gloss. de temporib. ordin. in 6.* Est enim indecorum, & in Ordinis Clericalis cedit ludibrium, ut pueri vel infantes ordinentur Clerici. *c. indecorum. de at. & qualit. ord. d. c. vel non est compos. de tempor. ordin.* Quare B. Gregorius Papa *can. 120. pueri. l. qu. 1. inquit; Pueri ad sacros ordines nullatenus admittantur, ne tantò periculo suscadant, quantò citius ascendere ad altiora festinant.*

Porro praeter aetatem in ordinandis, etiam alia requiruntur qualitates; *can. quicumq. dist. 77. Concil. Trident. sess. 23. de reform. cap. 12.* quarum precipua est *Litterarum scientia.* Illiterati enim quamdiu tales, pro irregularibus habentur; quia officiis sacris non possunt esse apti. *can. illiteratos. & per tot. dist. 36. & per tot. dist. 58. c. cum ex juncto. vers. licet autem. de haeret. d. c. fin. de tempor. ord. in 6.*

Sunt autem illiterati, qui scribere Latine & legere nesciunt; & sic i6 consuetudinem interpretari ait Navarrus, *in man. d. cap. 22.* sed Maldenus *de justit. & vel. tract. 9. cap. 2. dist. 15.* Illiteratum esse tradit in materia beneficii eum, qui apud Latinos Latine, & apud Gracos Graecè (vel etiam apud Illyricos Illyricè, utpote qui non celebrant vel officium, dicunt Latine. *Congreg. Concil. 20. Septemb. Anno 1591.*) quo sci-

Ordinatus
Personis
nisi Ecclesiasticis

IV
32

licet idiomate dicitur officium, nesciat; respectu verò ad ordines, requiritur, ut sciat quisque implere officium & functionem ordinis, ad quem aspirat. Concil. Trident. *d. sess. 23. de reformat. cap. 4.* vult Tutorandum fidei rudimenta noscere legere & scribere posse: minoribus insigniendum Latinè, apud Græcos & Illyricos, & nunc apud Chineses, teste Zypæo *d. loco vers. etiam ad num. 10.* eorum idiomate instructos esse, *Sacra Congreg. declar. ad d. sess. cap. 11.* Magistri Scholæ & Parochi bonum habere testimonium: *de sess. cap. 5.* majoribus initiandos, in minoribus, & de iis, quæ singulis, quos suscipiunt, conveniunt, infra ceteros esse: *d. sess. cap. 13.* Presbyterum eam habere eruditionem, ut populum necessaria ad salutem docere possit. *d. sess. cap. 11.*

17 In quibus omnibus Ordinantis valet arbitrium, qui eos solum indicabit idoneos, qui servire poterunt in Ecclesia. *c. super ordinata. de prabend.*

Unde Menochius *lib. 2. de arbit. jud. cap. 42 §. num. 58.* dicit, arbitrari Episcopum posse magis expedire Ecclesiæ, si ordines conferat adhuc, linguam Latinam non intelligenti, bonæ tamen indolis & pro ætate docili: Nam illiteratus puer dici non debet, qui pro ætate didicit, quique ostendit proficere se posse.

18 Concilium Tridentinum *d. sess. & cap. 4.* non permittit ad primam tonsuram promoveri, nisi eos de quibus probabilis est conjectura, non secularis iudicii subterfugendi gratiâ, sed ut Deo cultum præstent fidelem, hoc vitæ genus, eligere.

19 Qui Illiteratum ordinat, per annum à collatione ejus ordinis, quem tali contulit, ipso jure suspenditur; *d. c. fin. cum Gloss. de tempor. ordin. in 6. Henric. in sum. lib. 13. cap. 38. §. 3. lit. G. Barbosa. de offic. & potest. Episc. part. 3. alleg. 111. num. 9.* Ordinatus Superioris arbitrio, suspenditur. *Barbosa d. loco.*

20 Ob vitium animi ordinari prohibentur; qui fuerunt furiosi, *can. maritum. dist. 33.* puta ex propria organorum læsione, non ex febre vehementi, *Suar. tom. 5. de censur. disp. 51. sect. 1. num. 4. Virvald. in can. aureo. tit. de irregular. num. 181. cum seq.* qui in scena luserunt; *Lancelot. in Inst. Jur. Canon. lib. 1. tit. 25. in fin.* arreptiti sive à Dæmone oblectati, & Energumeni, qui ex Dæmonis agitatione alliduntur ad terram,

aut à Dæmone corporaliter vexantur; *d. can. maritum. cum seqq.* vel
vexati fuere, licet fœmel tantum; *Vivald. d. tit. de irregul. num. 181. Suar.*
de censur. disp. 51. sect. 1. num. 7. Sayr. in clavi regio. lib. 6. cap. 9. num. 14.
Valenzuel. consil. 25. num. 2. cum seqq. qui graviore aliquo crimine irre-
renti, ut apostatæ, hæretici, schismatici, Simoniaci, Idololatra, adulteri,
incestuosi, fornicarii, raptores virginum, Sodomitæ, perjuri, homici-
dæ, *con. Arrianos. 1. qu. 1. c. statutum. 2. de heret. in 6. c. 1. de homicid. c.*
fin. de tempor. ordin. can. sancitum. 7. qu. 1. can. si quis de Laicis. dist. 34.
sed voluptarii & culpabiles; Clem. un. eod. Concil. Trident. sess. 14. de re-
form. cap. 7. (Sub homicidio autem hic continetur, non solum homi-
cidium ex quo sequitur mors, sed & membrorum principalium muti-
lacio, aut debilitatio notabilis, *Gloss. in d. Clem. un. verb. inatiles. & ibi*
Covarruv. part. 3. in initio. num. 8. Henric. in sum. lib. 14. cap. 12. §. 1.
lit. B. & cap. 14. §. 1. lit. G. Sanch. in precept. Decalogi. tom. 1. lib. 1.
*cap. 10. num. 49.) Item falsarii, usurarii, *d. can. maritum. dist. 33. scur-*
ra, iudrici, seditiosi, injuriarum tenaces, ultiores, adulatores, alceæ at-
que ebrietati dediti, can. 3. cum seq. dist. 49. c. inter dilectos. de excessib.
Prelat. aliique similes; de quibus vide can. infames. 6. qu. 7. & 1. qu. 7.
per tot. qui excommunicati, suspensi, aut interdicti, dist. 81. per tot. Pe-
trus de Bello in Oeconomia Canonica class. 1. 1. cap. 2. §. 6. pag. 48. Na-
varrus d. man. cap. 27. num. 12. & 24. & 244. infames infamia juris,
quorum scilicet status vita & moribus est reprobatus, aut qui de crimi-
ne fuerunt accusati, *cap. laici. dist. 33. can. qui in aliquo. dist. 51. can. tan-*
tu. can. Daniel. dist. 81. cap. fin. de testib. c. omnipotens Deus. 4. de accusat.
fac. c. infamibus. de reg. jur. in 6. pendente accusatione seu denuntiatio-
ne; d. c. omnipotens. 4. Roman. singul. 438. Sylvest. de beneficiis. part. 3.
qu. 5. num. 31. Covar. lib. 1. var. cap. 16. num. 11. vers. quarto. Zerola in
praxi Episc. part. 2. verb. Ordo. §. 1. Garc. de benef. part. 7. cap. 8. num. 6.
Item poenitentes, sed solemniter, id est, qui publicam poenitentiam pro
gravi & publico delicto egerunt; *d. can. maritum. can. ex poenitentibus.*
50. can. illud. 66. caus. 50. qu. 1. cum propter Ordinis dignitatem; tum
quia tales reputantur ad crimina perpetranda faciles, nec tali infervire
ministerio, neque redarguere posse alios, sine offensione populi. *can.*
de his verb. dist. 50. can. fin. dist. 25. Campan. d. rubr. 11. cap. 21. Suar.
*dist.**

Orvinius
Personis
nes, Ecclesiast

IV
32

disp. 24. sect. 2. num. 5. Majol. de irregul. lib. 3. cap. 2. num. 4. Marc. Alter. de censur. tom. 2. disp. 16. de suspens. cap. 1. vers. quartus casus. Barbosa. lib. 6. cap. num. 116. & d. alleg. 43. num. 8.

21 Peractâ poenitentia, sed non solemnî, potest quis ordinari, & potest Episcopus propter necessitatem vel utilitatem Ecclesiæ, cum solemniter poenitentibus ad suscipiendos ordines, sed minores, dispensare. Bern. Diaz. in pract. cap. 23. num. 3. Majol. d. lib. 3. cap. 3. num. 6. ex hoc quæ. Campan. d. loco. num. 7. Marc. Alter. d. loco. Barbosa. d. loco.

Criminibus omnibus, exceptis homicidii, c. fin. de tempor. ordina. quasi manifesta, degradationis poenam inferre possunt, obnoxii, aut poenitentia parte ordinibus acceptis uti possunt, arceri non possunt sublimioribus. c. ex tenore. 4. & c. fin. ibiq. G. l'off. & Butr. de temp. ordina.

TITULUS XVII.

De Corpore Vitiatis non Ordinandis.

SUMMARI A.

- | | |
|--|--|
| 1. Corpore vitiati non ordinandi. | ejus cooperatione. |
| 2. Observatum hoc ab Ethnicis; & jussum in Veteri Testamento. | 6. Quid si vitium sit occultum, nec |
| 3. Non idem corporis vitium hodie ordinum reddit incapacem: Quale. | 7. Accesserit directè cooperatio vitiati. |
| 4. Quid si causatum per culpam ordinandi; & cooperantis. | 8. Si vitiatio causata sit culpa vitiati, considerandum, an impediat ordinis usum, an non. |
| 5. Quid si non accedente | 9. Posteriori casu irregularitas non inducitur. |
| | 10. Inducitur Priori. |